

## Okey Bursche

Okey Bursche –  
iatz hât mål s'Oberländ die Oberhând  
Mit Pitztåler Släng – fei wia Pitzesând  
I denk sou wia i röid und i sing sou wia i denk  
Und i sing heind nicht für euch  
na i sing heind für enk!

Dass mir ins recht verstiah  
wear i iatz folgendes tia  
i erklär enk iatz gânz kurz wia d'Weg im Oberländ giah

und frâgsch di du iatz berechtigt  
wås mi zum Labre ermächtigt  
i hân zum Labre die Lizenz  
weil i bin Laberer z'Wennis

Pass au – sou sei mir Oberlandler drau  
Und weil salber uaner bin woâß i dôis gânz genau

Mir sei stur mit Stolz  
Aus an b'sundere Holz  
Prinzipiell eher skeptisch,  
selten hektisch, mândchmål sektisch

mir röide gråd es Neatigscht'  
zoage selten G'Fihl  
hocke im Gâsthaus putz allua  
ja dôis isch inser Stil

Mir fühle ins umso wöihler  
Je schmâler die Tåler  
Und je schmâler die Tåler  
Desto mia Schwâr-Wåhler

Insre Berg sei hoach  
Insre Golf sei nieder  
Tirgge geit's de meiste z'viel  
und Daitsche sei ins z'wider

Wås ma im Oberländ it kennt döis frisst ma it  
Und fälls es gråd nix Essbårs isch nå griäßt ma's it

Und wenn ma ou viel Gald mit Fremde innimmt  
a Fremder bleibt a Fremder ou wenn er öfter kimmt

Weil mir sei mir IT!  
Då geit's kua G'stritt IT!  
Und wenn's ums Saufe geat nå höib m'r in Pro-Kopf-Schnitt IT!

Jå – und wia g'söit ODER!  
Mir sei it blöid ODER!  
Rethorisch „oder“ fråge k'heart zu inserm G'röid ODER!

Also woasch eh ODER!  
Döis isch kua Schmäh ODER!  
Wenn i wirklich eppas wisse will nå fråg i „oder it?“ ODER!

In månche Fall GALL!  
Heart ma ou „GALL“ GALL!  
Wenn du wisse willsch ob recht håsch, nåche söisch sall GALL!

So eigen wia die Språch so isch ou inser G'müat  
Lei merk i åb und zua, dass es tiaf drin glüaht

Potential hatte m'r g'nuag – då hålte m'r logger mit  
Teppe gibt's d'r überall – lei woåndersch kennsch se it!

Im Groaße und Gånze - liabe Lait  
Brich i a Lånze  
Für mei Oberländ  
mi kanntet's schwar verplånze!